

寶慶四明志

四明慈溪縣志目錄

卷第一

叙縣

沿革論

境土

風俗

縣令

社稷

城隍

學校

城郭

坊巷

倉庫務場

公宇

官僚

驛鋪

叙山

叙水

渠堰與關橋梁津渡附

叙產

見郡志

卷第二

叙賦

鄉村

鎮市

田畝

戶口

夏稅

秋稅

酒

商稅

雜賦

職田

叙兵

弓手

土軍

叙人

見郡志

叙祠

神廟

宮觀

寺院

叙遺

存古

四明慈溪縣志目錄

四明志卷第十六

慈溪縣志卷第一

叙縣

沿革論

慈溪縣秦漢以來地屬句章

古句章城在今縣南十五里地名城

山隋開皇九年併餘姚鄞鄞三縣入句章唐武

德四年析句章置姚州鄞州八年廢鄞州為鄞

縣則慈溪實鄞封內地也開元二十六年析鄞

縣置慈溪溪因邑人董黯孝養其母而得名

詳見

水

又因以名縣按唐崔殷撰董孝子廟記云

黠後漢人孝行著于鄉邑和帝召拜郎中不起
歆後世爲名族故以董孝名鄉慈溪名縣貞元
中爲上縣二十一鄉

皇朝併爲五鄉九域志亦爲上縣

境土

東西一百里南北九十里

東至定海縣界六十里以梅林涇及雙橋鷗鷺
浦爲界

西至紹興府餘姚縣界八十里以桐下湖從浦
至大江爲界

南至鄞縣界三十里以鍾乳山及潘嶼嶺孤兒
崗爲界

北至秀州海鹽縣界六十里以大海岸中桑嶼
并黃牛山爲界

東南到鄞縣界一十五里以西渡江心爲界
首至本府三十五里

東北到定海縣界六十里以鴈門嶺爲界

西南到紹興府餘姚縣界一百里以楊溪村及
高崑并石門山爲界

西北到紹興府餘姚縣界八十里以上林鄉爲

界

風俗

邑有董孝之遺風人知孝愛樂循理舊矣

皇朝以來楊公適杜公醇又以行義爲之師表
自是文物益盛王荆公安石有云慈溪小邑無
珍產淫貨以來四方游販之民田桑之美有以
自足無水旱之憂也無游販之民故其俗一而
不雜有以自足故其人畏刑而易治所見之士
亦多美茂易成也

縣令

題名始于 太平興國在唐得七人以冠

其首

房琯

唐開元中監察御史貶睦州司戶參軍意溪縣始置遷為令上德化興長利流民來

歸校吏引去以治最顯事見唐書本傳及會要併舊志所載民立廟祀之至今縣橋

名聰馬以公故也

周頌

閻信美

張濤

周曜

宋革

柳寬

以上皆唐時令見香山智度寺常寂大師行狀碑

李昭文

皇朝太平興國八年

張穎

端拱元年為令廉潔自持邑人號為張清太宗皇帝賜詔獎諭云令長之任得

以施異政而親吾民也爾庸茲選擇著強明勤以奉公廉而守道達于聽覽深所歎嘉愈宜勸精當俟明陟民立廟祠之縣有清清閣以公之德名也

聶惟寧

淳化二年

劉昭裔

至道元年

張若訥

咸平元年

段守忠

咸平四年

張守璿

景德元年

龐遵古 景德三年

甯直 大中祥符二年

張汝珪 大中祥符四年

耿防 大中祥符七年

姜成範 天禧元年

胡孝恭 天禧四年

王淑 天聖元年

林濟 天聖四年

牟經 天聖六年

孫知古 天聖九年

虞肅

景祐二年

王利用

景祐四年

李永

康定元年

王永昌

慶曆三年

林肇

慶曆五年

韓鑑

皇祐三年

張直言

至和元年

游烈

嘉祐二年

陳章

嘉祐五年

林汴

嘉祐八年

于存 熙寧元年

汪汲 熙寧四年

李世卿 熙寧六年

李友聞 熙寧七年

盛次仲 元豐初為令雅有文名究心民瘼持身
公介不畏強禦戢吏愛民政多惠利後

為內
相

沈諲 元豐四年

崔熙 元豐八年

余廙 元祐二年

張伋 元祐五年

吳最 紹聖元年

陳衡 紹聖四年

石沔 元符三年

王師中 建中靖國元年

黃杞 從事郎 崇寧元年

唐昌期 通仕郎 大觀元年

方巨川 文林郎 政和二年

孫寔 文林郎 政和八年

許之才 儒林郎 政和八年

黃濤 從事郎 宣和二年

陳雲

宣和四年

沈時升

霄川人宣和末為令誠心撫字愛民如子俗咸化之無敢梗政既去父老請

于官建立祠宇於縣治號沈公堂公即丞相該之父也

林叔豹

字勉父永嘉人少入太學有聲建炎初以宣教郎為令律身廉勤莅事明敏

高宗皇帝大駕南巡過邑禁衛甚衆小縣未易供億宰執素稔其名戒衛士以

下母得苛擾邑人尋聞虜寇之至驚惶逃避有武斷貪悍之夫一二人為民所

訟公捕而斬之於是遠近知畏絕剽掠之患虜酋破明州偽立蔣安義為守虜

退叔豹以鄉兵入城杖死安義一郡遂寧高宗駐蹕臨安召為監察御史

周方祗

從事郎建炎四年

向季仲

右文林郎紹興三年

林公定

右從政郎
紹興六年

趙不匱

左承直郎
紹興九年

畢瑛

右從政郎
紹興十二年

張光

右承直郎
紹興十四年

陳良翰

字邦彥赤城人紹興十七年以左從事郎為令經術飾吏事天資高明操尚

介持恢崇風化作成人材吏畏民愛諸司交薦召除監察御史後為諫議大夫

給事中太子詹事

李彭年

左從政郎
紹興二十一年

張

從文享實
左從事郎
紹興二十四年

姚應辰

右文林郎
紹興二十七年

鍾確

右文林郎
紹興三十年

錢萬中

左文林郎
紹興三十二年

蔣歲

右文林郎
乾道元年

吳翼夫

右文林郎
乾道四年

陳壽彭

右承直郎
乾道六年

求承祖

文林郎
乾道九年四月十七日到任

鄭昌言

從政郎
淳熙三年七月初八日到任

莫洸

通直郎
淳熙六年八月二十日到任

縣唐仲溫避親兩易離任

唐仲溫

奉議郎
淳熙八年正月初八日避親兩易九年八月二十二日滿替

徐袞

從政郎淳熙九年八月二十日
到任

蔣鷄

以從事郎奏薦兩易十一年四月十七日滿

葛郢

奉議郎賜緋魚袋淳熙十二年四月十九日滿

唐仲展

從政郎淳熙十六年到任金華人政

不擾財賦自辨雖有獄未嘗妄禁一人

點吏畏之不敢舞法

柳恂

從事郎紹熙三年四月初五日到任

朱堂

文林郎慶元二年二月丁母憂

柳說

從事郎慶元三年五月一日滿替

石次翁

承直郎嘉泰三年十月十七日滿替

趙希觀

儒林郎嘉泰三年十月十七日到任嘉定二年十二月初八日滿替

張義和

文林郎開禧二年十二月初八日到任嘉定二年十二月二十七日滿替

溫膚公

文林郎嘉定二年十二月二十四日到任六年二月二十四日滿替

俞昌言

迪功郎嘉定六年二月二十四日到任九年三月初二日離任

邊烈

文林郎嘉定九年四月初四日到任十一年四月二十七日離任

趙崇遂

從政郎嘉定十二年五月二十日到任十五年正月二十八日離任

虞詵

儒林郎嘉定十五年六月十六日到任寶慶元年七月二十七日滿替

周符

儒林郎寶慶元年七月二十八日到任紹定元年十月二十七日滿替

畢諫

儒林郎紹定元年十月二十八日到任有旨改令為京官關紹定二年六月十八日離任

留晞祖

宣教郎以制帥胡尚書具申朝廷改令為京官關紹定二年十一月十三日到任

五年十二月蒲替

葉汝明

奉議郎紹定五年十二月初四日到任至端平二年五月初三日不祿

張約之

承議郎端平二年九月初十日到任嘉熙二年九月初九日滿十月內除監榷貨務

王致遠

奉議郎嘉熙三年十月二十八日到任嘉熙四年十二月二十九日離任

吳溥

宣教郎淳祐元年正月二十八日到任至淳祐二年二月初二日離任

曹邵

宣教郎淳祐二年四月廿五日到任至淳祐五年五月初一日蒲替

李鏞

通直郎淳祐五年五月初一日到任至淳祐七年十一月十七日丁母艱

衛柝

承議郎淳祐八年四月初八日到任至淳祐十年二月初三日離任

陳灼

宣教郎淳祐十年二月二十六日到任至淳祐十一年四月初五日離任

陳桂

朝奉郎淳祐十二年二月初三日到任在任以恩賞磨勘轉朝請郎寶祐三年三月三日蒲替

社稷

壇在縣西南一百步

皇朝建炎二年令林叔豹始建齋宮久而圯

紹興二十一年令陳良翰重建 嘉定八年令

俞昌言重修

城隍

廟在縣西四十步

縣學

學舊在縣西四十步

皇朝雍熙元年縣令李昭文建

先聖殿居其中

端拱元年令張頴記

慶曆

八年令林肇徙建於縣治之東南一里鄞縣宰

王公安石記之貽書招邑之宿學杜醇爲諸生

師建炎四年金寇至學燬

紹興十二年令

畢瑛草創殿宇齋舍久而弗支

淳熙四年節

度推官宋南強攝邑以勸里士陳公達首倡義

大成殿輪奐一新齋舍門廡庖福次第成於後

政之手而率先之者宋也八年令唐仲溫始落

其成講堂舊曰尊道至是改曰成德堂之後有

直舍曰橫經四齋曰本仁曰明義曰約禮曰崇

智 慶元元年令朱堂於泮池外建墻門六扉
左日右月 開禧二年漕檄尉施子升重修尚
書樓公鑰記 淳祐二年郡守祕撰陳公塏發
錢米下縣委令曹邵爲慈湖楊先生簡荆祠堂
于成德堂之右祠成令以告于郡於是朝奉郎
主管建康府崇禧觀天台鄭霖作記先生之姪
愉書丹邑人朝奉大夫直寶章閣桂萬榮書蓋
祭器一百九十六件

祭服三副

錢糧

田三百九十二畝一角二十二步

地二十八畝二角四步

山六畝二角六步

歲收

米一百八十二碩九斛二升五合

穀一百一十三碩九斛

租錢四十七貫三十文

賃錢日收一百一十二文

城郭

縣城周圍五百六十丈

坊巷

興賢坊

舊曰崇儒在縣學西令趙希觀更立

狀元坊

為武舉魁胡應時立

丞賢坊

崇孝坊

縣令虞說立

倉庫務場等

縣倉

縣西南三十步舊屋十間今存其二貯官兵俸料米一貯義倉米

諸色官錢庫

縣治東廊元年令周符重建

酒稅務

縣城東南二里淳化七年置

鳴鶴鹽場

縣西北六十里熙寧六年十月置

教場

縣城東北中有閱武亭崇建令于庭式記後廢

靖康元年尉劉慶元三年令朱

堂尉朱應祥重建更名眾整里士嚴蒙記

居養院

縣東南二里
元符元年建

安濟坊

縣東南二里
崇寧二年建

漏澤園

縣西南三里
崇寧三年建

公宇

縣門

上為勅書樓
宣和初令黃濤建
實
慶三年圮于風令周符新之樓凡五間守

胡渠為扁縣名於
外門內涉級而上

中門

雍熙元年令李昭文重建
寶慶三年
周符新之門旁有兩翼門內列兩廡

縣聽

李昭文重建
紹定元
年周符於聽後創小樓

縣堂

正聽之東
元祐初令崔熙建

明恕堂

東廡之東李昭文建
紹興六年令林
定重修扁製錦
慶元初令朱堂重建

縣獄

定西廡之西舊苦隘而新之

清清閣

直正聽後小樓之徐淳化中嘉定縣
今張穎清德得名里士徐璋記州校官

環碧亭

十年奉化丞沈璞攝邑重修
生休記之丞紹定元年今周符重修
清閣之後出縣城之北臨池
間令陳壽彭建後廢慶元五年今抑

擁青軒

又說重建紹興府理掾王休記之
縣堂之後隆興元年今周符重建

攬秀亭

擁青軒之後內所修建張虛記之
重九縣治內紹定元年今周符

麗澤亭

陰陽家以前創自縣初橋上築亭上有樓
建炎兵燹紹興三十一
建炎兵燹紹興三十一

蒙亭

大寶山之麓創自熙寧以前泉清甘宜
茶名寶泉亭後圯紹興十七年令陳良

翰重建議改今名
羅昭叔記今廢

濯纓亭

縣治東
南今廢

迎麾亭

縣治西
南二里

承流亭

縣治東南二里
自縣初監司郡守經歷送迎之所也

官僚

丞

邑舊有丞
月置

崇寧五年省罷

紹定二年正

尚書省劉子煥章閣學士通議大夫知慶元
軍府事兼沿海制置使胡榘狀竊見本府慈

谿縣絲唐正元以來標為上縣

皇朝太平興國中置令距今三百餘季自南

渡以來衣冠日盛戶口日繁今主客二萬餘

戶計一十五萬六千三百餘口為田四十六

萬九千一百餘畝夏秋二稅官物繁多寔為

壯縣然本縣今只部注令一負又無丞佐可

以裨贊連季簿尉非才邑政未免多闕財賦多有失陷本府不容坐眎伏覩

嘉定吏部條法諸縣及萬戶所注丞一員今慈谿縣戶口繁多踰二萬戶所宜置縣丞一員

以共理民事證得定海縣主客纔一萬九千餘戶計五萬五千餘口為田三十五萬餘畝

夏秋二稅視慈谿縣反少而今丞並置一邑之事得佐官以協理今慈谿置丞不為冗員

惟是刑置一官則有一官之費若令一邑遽爾增費則恐事力不支本府契勘三酒務監

官舊各係雙員昨來權府程提刑覃申請省罷都酒務比較務官各一員就奉化縣鮎埼

鎮置鎮官巡檢二員而瞻軍務尚存雙員今三務既合為一若各官一員自可輪流管幹

欲乞朝廷特賜敷

奏許從所乞省罷瞻軍務監官一員於慈谿縣置縣丞一員特許本府選辟一次日後作

吏部使闕但慈谿縣既置丞則縣令合行改作京官負闕庶幾事體增重百里有賴併乞

降

旨揮吏部施行其憲谿縣令并贍軍酒務見
任人且令終滿差下人令赴部別行注授伏
乞

明降旨揮下本府施行申
聞事正月九日奉

聖旨令吏部將慶元府慈谿縣添置縣丞一
員就令本府選辟一次仍令贍軍務監官一
員省罷其見任人許令終滿已差下人赴部
別行注授餘依

主簿

聽事縣城東南本丞廳
遂為簿廳父而地淳熙八年張博文重

建勤畏堂王中行建臨香亭
紹興二十四年李丙建後政改偏不一嘉定十年天台

劉快奉其兄闊風逸民俊偕至改曰聽雨燕
川遺民劉叔溫記簿廳有水利記四縣尉成

立尚書汪大猷著作郎倪
思湖州校官王休所撰也

尉

聽事縣城東南
維熙元年建東為頤堂尉
畢仲荀記園有三友亭後以雨香今名華綠

又有無我亭永嘉翁
忱建有記今改勁節

監酒稅朝聽事縣東南一里皇

監鳴鶴鹽場縣西北六十里邊海之廐皇朝

火公事巡捉私茶鹽礬香等
寶慶二年有旨選辟文資

鳴鶴寨巡檢皇朝政和七年置

驛鋪

見磯驛縣南一里唐開元中令房琯建以川多

左太中大夫周鏐記建炎兵燹
紹興十七年令陳良翰重建

丈亭館縣西四十五里夏侯曾先地志云丈亭

乃古之軍令尉今館北有老尉浦是其
跡矣吳越錢氏改為上亭後廢慶元

五年尉關嶠重建斥而大之嘉定間
令邊烈又關地築小館於亭北亭前建

小軒三間古有留題詞云潮生浦口雲
潮落沙頭樹潮本無心落又生人自來

還去今古短長亭送往迎來處老盡東
西南北人亭下潮如故又慈川逸民詞

云南山明北山明中有長亭號文亭沙
邊供送迎東江清西江清海上潮來兩

岸平行人分棹行又僧義銛詩云青山
歷歷映江流半是明州半越州亭下寒

潮亭上客不知
來往幾時休

西門鋪

縣治西至西至甲山鋪二十五里
里東至西渡鋪一十五里

西渡鋪

界首東至鄞縣景安鋪一
十五里又至本府二十里

甲山鋪

金川鄉西至漁
溪二十五里

漁溪鋪

府桐下鋪西至紹興
二十五里

叙山

四明山自越地跨縣境以至于鄞詳見郡志

塔山縣東南三里陰陽家謂縣之青龍山

大寶山縣西南二里陰陽家謂縣之白虎山

南有泉極清甘名大寶泉

句餘山縣西南二十五里句章餘姚在此山之

東西蓋因山以名縣也山海經云此山多金

錫少草木

成溪山縣西南三十五里晉孫恩盧循據嶺表

作亂繇海道入寇劉牢之禦之屯兵於此故

其山以成爲名也

東澄山縣西南三十五里

五馬山縣西南六十里

三女山縣西南六十里耆老相傳云昔有三女浴於江次忽爲霆擊化爲三峯亭亭相望因以名之

大隱山縣南三十里夏侯曾先地志云大隱山口南入天台北峯爲四明東足乃謝康樂煉藥之所也晉虞喜三召不就遁迹此山因以爲名

三過山縣南十五里山勢孤峻下臨江濱潮水
縈回舟人理棹嘗倦於經過雖一過猶三過
焉故以爲名也

鼈子山縣南五里山形似鼈

抱子山縣東南十里山勢宛轉盤泊如龍蛇抱
子之狀

橫山縣東南十里

驃騎山縣東三十里會稽典錄云漢世祖時張
意爲驃騎將軍其子齊芳歷中書郎嘗隱於
此故以爲名俗呼爲馬鞍山乃州之後坐山

也

關峯縣東北二里吳太子太傅關澤居其下取其姓以名之

香山舊名大蓬山又名達蓬山縣東北三十五里山峯有巖高四五丈狀如削成有石穴深三丈其巖有三佛跡或云上多香草故以爲名又云秦始皇至此欲自此入蓬山故號達蓬

蓬

山下有智度寺石湖范居士嘗有詩云料撒軒裳一闌塵任教空翠滴烏巾老身已

到籃輿上與處青山是故人

桑嶼山縣北六十五里

東向山縣北六十里

黃牛山縣北六十里

筭嶼山縣北六十里

若嶼山縣北六十里

浪港山縣北六十里

石塘山縣北四十五里

向頭山縣西北八十里海濱亦名西龍尾東望

伏龍山與龍頭邇龍頭以東屬定海龍尾以

西屬餘姚各有海塘塘每為潮所損二山扞

潮其中漲塗漸與山相接古有海塘閘柱屹

然中存今盡爲漁鹽之地已成畎畝者禾黍
菽麥彌望昔以海邑之衝欲於此置寨屯兵
尋以舟楫難於出入故寢

鳴鶴山縣西北六十里耆老相傳云昔有鶴栖
於此山一旦飛鳴冲天而去

漁溪山縣西北五十里

五磊山縣西北三十五里上有五峯磊磊相比
如聚米所成人謂五磊雲興則雨常以爲候
朱墓山縣西六十里宋台州刺史朱夔葬此山
埋馬山縣西六十里夏侯曾先地志云秦始皇

遊海至此馬斃埋之故以爲名

雨微山縣西五十五里舊名龍山上有雲氣即
降雨澤邑人常以此爲候或云本是雨徵山
避廟諱故改徵爲微

夜飛山縣西四十五里其山生甘草仙藥耆老
相傳云此山自蜀夜飛而來蜀客見而識之
因以爲名

鳳凰山縣西四十五里丈亭之東其形如鳳與
龍山對峙

龜子山縣西四十里山形似龜

城門山縣西三十里宋城門校尉會稽從事陳
詠葬此山因以爲名

虎胛山縣西三十里山形聳踞如虎胛隋大業
中嘗令鑿山西南斷跡猶存

鳳巖山縣西三十里山形似鳳

仙雞山縣西二十五里夏侯曾先地志云上有
石井石床又有銅瓶皆非人力所能舉旁有
石雞俗云是扶桑雞飛下因以爲名

赭山縣西八里土色正赤故曰赭山

叙水

渠堰碑關橋
梁津渡附

水

慈溪縣南三十里與大隱山接本曰大隱溪里有董黯生後漢時性篤孝母寢疾好飲此溪水每思之恐不常得黯遂築室溪濱板輿就養厥疾乃痊因名溪曰慈溪後乃以名縣

江源干紹興餘姚之太平山東來至丈亭乃分爲二大江由鹹池歷西渡經府治之北入海小江貫縣中出東郭至西渡又與大江會率隨潮進退大江乘潮多風險故舟行每由小

江

文溪縣東北十五里受衆山之水色清有文故以爲名溪上有小市舟行通定海

漁溪縣西四十五里舊說有清潭虛澗竹木連繞清澄徹底鱗介不能潛其形漁者利之故名

藍溪縣西南六十里自發源流出江際夾岸藤蘿色深可染因以名之

普濟湖縣東北一里唐開元令房琯開鑿之以溉民田吳太子太傅闕澤德潤居之謂之德潤湖近歲寶謨閣學士楊簡敬仲居之謂之

慈湖

花墅湖縣東南一十里古有小塘渚水唐正元十年刺史任侗勸民修築灌漑田疇中有小墅春花明媚多於衆山故名湖多魚及蓴菱並湖之人資以爲利

姜湖縣東南十里本姜氏捨田一項以爲湖民資灌漑

孫湖縣東南一十五里西嶼鄉漑田頗多或謂湖多香蓀故名蓀湖訛而爲孫

杜湖縣西北六十里古有湖趾唐刺史任侗重

加浚築鳴鶴一鄉之田仰灌漑俗號第二重
天 皇朝慶元初主簿周常募衆開築湖岸
修治碑闡爲利尤博著作郎倪思記之

白洋湖在鳴鶴鄉唐景龍中餘姚縣令張辟強
修築

雞鳴湖在金川鄉昔又謂之仙雞湖任侗修築
今廢爲田

雲湖在金川鄉任侗修築今廢爲田

鳳凰湖在金川鄉今廢

永明湖縣西二里今廢

大寶泉縣西二里永明寺西山水性輕清味甘色白宜烹茶大旱不涸新昌石麟之嘗銘其異代郡畢仲荀篆書字畫奇古爲時所重永昌潭舊名黃茂潭縣西南四十里至道宮之上唐天寶二年明皇遣使投金龍密以朱筆記其左肋繼而雨降明皇目覩行雨龍左肋下有朱畫及有大寶永昌四字謂臣寮曰此四明山所授之龍璽使回奏投潭之始即泛出黑漆木板尺餘有金書大寶永昌四字遂賜官名大寶潭名永昌

餘見至道宮

潭之北五里

有獅子潭禱雨必應上有石屋一所有獅子足跡并仙人藥臼潭下有石臺三層高數丈鄉名石臺以此

湍水巖潭在石臺鄉溪上近白巖院曩因旱禱雨未獲有老父坐水濱石上語行人曰曷不於此祈請令張義和亟禱之得小蛇以歸雨隨至其後縣家禱祈多應遂建龍王祠有記北雪潭縣之德門鄉去縣三十里

烏石潭縣之西嶼鄉去縣十里

白龍潭縣東南七里花墅湖上水出山石間

天井潭縣西北二十里以上諸潭皆禱雨靈應之所

渠堰碑

金鰲堰

沈忠堰

前莊堰

茆風堰

風林堰

方盈堰

新堰

丁堰

齊拱堰

唐支堰

王沙堰

里溪堰

里溪閘

倪家堰

梅林堰

李家浦堰

豬欄堰

清林堰

鱗浦堰

大杜湖堰

虞莊堰

詹家堰

胡卿堰

小杜湖堰

祝家浦堰

塘頭堰

李溪閘瀦文溪香山之水以溉民田隳廢歲久
紹熙四年通判陳耆壽邑簿胡大猷募民重
建爲利甚博尚書汪大猷記之

右德門鄉

彭山閘彭山堰縣之西北有水出羣山間迤而
東來未至縣五里所抵彭山而入于江瀕江
有閘瀦水以備旱霖潦則泄之歲久閘廢水
無所蓄潮入河淤 淳熙十三年主簿趙汝

積勸率鄉人九田于西者畝出錢三百徹故
閘址悉以石爲之長十有一尋廣四尋中闊
丈有二尺肩以層版使便啓閉西鄉之田受
利旣博復修斗門比舊基有加焉通下流貫
邑中因舊河而浚之廣一丈五尺深七丈中
廣二丈六尺深如之舟楫通行邑下之田亦
資灌漑

橫山堰

梨木堰

抱子閘

胡家港閘

上下南洋閘

虞氏白洋堰

沈家堰

門家堰

孔家堰

岑徑堰

徐家堰

戴家堰

枝浦堰

徐洋閘

磚窰堰

馬家堰

洪家堰

壇林堰

陳童堰

梁家橋堰

茅砧硤

右西嶼鄉

沈婆閘

沈婆堰

麻車閘

石砣閘

謝家堰

薛家堰

新河堰

朱童堰

椿浦堰

邵徑堰

應堰

葛塔堰

金家堰

蜆浦堰

東堰

則水新堰

余家堰

廊墅堰

鳥山堰

張押直堰

洪家堰

周家堰

楊家堰

牛欄堰十五都

沈家堰

施虎廟堰

沈家渡堰

牛欄堰十六都

茶浦堰

蔡家堰

朴木閘

茭徑堰

洪莊堰

下洋西堰

戴家堰

右石臺鄉

西碕閘

新界堰

右金川鄉

古窰閘

雙河塘鳴鶴鄉與餘姚之上林鄉同一河上林之水泛溢則流入鳴鶴每年苦澇乾道九年里人曹閱捐錢二千緡倡率鄉豪益以二千緡創建雙河界塘六百餘丈自是截斷西流鳴鶴之田遂爲膏腴

大理渠縣南五里通積水灌高鄉之田

戴鄰堰元在花墅湖

海塘石碶閘瀆海爲塘以禦風潮雨水泛溢則決之于海旣決復塞民費且勞

皇朝嘉祐二年縣令游烈尉成立率民爲閘
渚泄以時民得耕稼自是一鄉無復水旱之
患

右鳴鶴鄉

橋梁

驄馬橋

有屋三間在縣南一里唐開元二十六年
令房琯建琯先是爲監察御史故邑
人以是名之皇朝治平三年令于存
修建炎燬于兵紹興十六年令張

光重建後復摧圯近歲
邑人募衆修復飾如舊觀

德星橋

縣西南一里半有屋二間南北有亭唐
正元九年建以密邇大寶山名大寶橋
後改今名皇朝熙寧元年令于存修
建炎燬于兵紹興十四年令張光再

建復紀 紹熙元年
沈氏居重修如初

無擇橋

縣之金川鄉相義村唐孝子張無擇廬
父墓日建後人因以名之今呼為吳石

橋聲之
訛也

開禧橋

舊名夾田在縣東南三里接驛路往來
之徑 皇朝皇祐二年建 紹興八年

令林定重建邑士李瑞民記久復地
開禧元年令趙希觀易而大之遂即改

元之號
以為名

鮑約橋

縣之德門村五代末有鮑侍中
約居此建橋後人因以為名

王子橋

縣西十里金川鄉雲山里故老相
傳後漢王脩之子建遂以為名

津渡

黃墓渡

縣西南石臺鄉
去縣三十里

李溪渡縣東南德門鄉去縣四十里

青林渡縣東南德門鄉去縣三十五里

任家渡縣東南西嶼鄉去縣二十五里

鸛浦渡縣南西嶼鄉去縣一十五里

赭山渡縣南西嶼鄉去縣一十五里

沈家渡縣西南石臺鄉去縣三十五里

丈亭渡縣西南金川鄉去縣五十里

吳翁渡縣西南金川鄉去縣五十五里

蜀山渡縣西南金川鄉去縣六十里

東南渡鄞縣西渡續記相距十五里

城山渡

縣西南十五里

車旣渡

縣西南四十里

叙產

已具郡志


慈溪縣志卷第一


慈溪縣境圖





慈溪縣治圖





縣西嶺

大保泉

永明寺

西河寺
西河寺
西河寺

西河寺

王智行

四明志卷第十七

慈溪縣志卷第二

叙賦

鄉村

西嶼鄉縣東南管里三村二

上牛里

石刺里

安仁里

飛鳧村

德星村

金川鄉縣西管里四村三

雲山里

太平里

大川里

求賢里

太平村

招義村

千金村

石臺鄉縣南管里二村二

望江里

孝順里

句餘村

光德村

德門鄉縣東管里二村二

清水里

黃山里

鄞水村

鴈門村

鳴鶴鄉縣西北管里一村一

小山里

西村

鎮市

丈亭鎮 今廢

門溪市 德門鄉門溪
一作文溪

大隱市 石臺鄉

黃墓市 石臺鄉

藍溪市 石臺鄉

車廐市 石臺鄉會稽地記云昔勾踐於
此置廐傳車秣馬跡趾猶存

漁溪市 金川鄉

田畝

舊額四十六萬九千一百五十八畝二十九步

戶口

主客戶通計大小口一十五萬六千三百八十

夏稅

絹一萬七百一十六匹一丈五尺六寸五分六

釐

正稅五千一百七十二匹一丈五尺六寸

五分六釐

和買五千五百四十四匹

紬二千六百八十三匹二丈八尺六寸八分

正稅一千二百九十七匹二丈八尺六寸

八分

和買一千三百八十六匹

綿二萬六百七十二兩三錢七分四釐

折變

折帛錢

綃二千三百一十四匹計錢一萬五千三百三十八貫五百文

正稅六百四十七匹每匹七貫文計四千五百二十九貫文

和買一千六百六十三匹每匹六貫

五百文計一萬八百九貫五百文

紬一千六百八十二匹計錢一萬一千二百一十九貫五百文

正稅五百七十三匹每匹七貫文計四千一十一貫文

和買一千一百九匹每匹六貫五百文計七千二百八貫五百文

綿八千四百三十兩每兩四百文計錢三千三百七十二貫文

折麥

綃一百一十六匹二丈三尺三寸

紬三十三匹二丈二尺五寸

綿五百二十三兩八錢七釐五毫

以上三項通折麥六百四十二碩三

升三合四勺

正五百八十三碩六斛六升六合

七勺

義倉五十八碩三斛六升六合七

勺

亭戶折鹽

綃二百一十四匹三丈二尺二寸五分

九釐

綃七十二匹八尺八寸二分五釐

綿一千八十八兩九釐

實催本色

綃八千七十五匹一丈四尺八寸八分比元

額增一丈四尺七寸八分三釐補所虧綃數

綃八百九十五匹二丈二尺五寸新一丈四尺七

寸八分三釐入綃數

綿一萬六百三十兩五錢五分九釐五毫

秋稅

苗米二萬四千五百六十八碩九斗五升七合

三勺

折變

糯米二千六百三十六碩九斗五升三合

折苗米二千六百八十二碩四斗一

升七合

亭戶折鹽九百九十六碩七斗四升三合

實催本色二萬八百八十九碩七斗九升七

合三勺

酒

以寶慶三年爲準

省場

本柄錢四千七百七十二貫六十八文

糯米七百三十四碩一斛九升每碩價錢

三貫九百九十文計二千九百二十

九貫四百一十八文

麴麥一百七十七碩九斛五升每碩價錢

三貫六百文計六百四十貫六百二

十文

夫食物料錢一千二百二貫三十文

造麴五十一貫三百二十文

造生煮酒五百六十六貫八百四十六

文

袋紬九匹一丈二尺每匹四貫文計三

十七貫文

箍缸打竈一百二十貫文

官吏巡脚夫食糜費輕空滲漏四百二

十六貫八百六十四文

收息錢六千一百八十五貫九百七十六文

諸司六千八百二十一貫二百七十七文

經總制司三千五百五十二貫四百九

十二文

糴本司二千六百二十四貫九百七十

五文

移用司六百四十三貫八百一十文

本府虧本柄錢六百三十五貫三百一文

填納諸司

糟錢一百六十三貫三百九十文

諸司四十八貫八百九十四文

經總制司二十六貫五百二十六文
移用司二十二貫三百六十八文
本府一百一十四貫四百九十六文
人戶買撲酒坊三十一所

大隱坊

車廐坊

招義坊

漁溪坊

藍溪坊

鳴鶴坊

鴈門坊

黃墓坊

蘆山坊

盧慈坊

貴勝坊

黃楊坊

蘆江坊

柵浦坊

相輿坊

施輿坊

石步坊

蜀山坊

聖井坊

杜湖坊

杜郭坊

下洋坊

徐都橋坊

浦口坊

石橋店

鑊頭店

郭宅店

嶼山店

狄奧店

江邊店

莊徑店

淨息錢四千八百五十九貫二百二十七文
常平司三千七百九十五貫四百九十九

文

本府一千六十三貫七百二十八文

商稅

以 寶慶元年爲準

歲額錢二千七百貫文

諸司一千五百九十一貫五百二十七文

經總制司六百四十三貫八百三十九文

糴本司七百四十七貫六百八十八文

本府一千二百八貫四百七十三文於內除

豁諸司頭子錢六十四貫四百四十八

文實收一千二百四十四貫二十五文

雜賦

免役錢兩料共一萬二千一百三十貫九百三

十二文

實催到一萬二千四十六貫六百二十六文外補支發八十四貫三

百六
文

縣吏支五千七百二十六貫一百九十六文

本府八百七十二貫四文

解發減省人吏錢在京官負雇錢及

支府吏錢並
在內

經總制司四千八百貫文

官戶不減半七百三十二貫七百三十二文

茶租錢四百一十九貫五百一十九文

水脚錢七百四十八貫二百五十文

租堰錢三十貫文

房廊錢五十貫六十四文

河渡錢六百五十六貫七百九十九文

專隸司

職田

米一千四百三十五碩

元額一千四百六十九碩四升三合一勺於內

豁除逃荒砂塞復還民業米有今額

叙兵

弓手

縣尉司額八十人今七十六人

土軍

鳴鶴巡檢司額九十人今七十三人

叙人

見郡志

叙祠

神廟

靈應廟縣東一里即鮑郎廟也事跡見郡志民
既神之故所在祠之

董孝純德君廟縣東北一里茲溪因孝子得名而舊無祠宇附祀于城隍

皇朝建炎間縣令林叔豹即靈應廟之西建祠堂遷其像而祀之有題跋刊于孝子碑陰祠宇尚卑陋紹興三十二年郡戶曹董鄰攝邑遂於普濟寺之西建廟久而圯慶元二年令朱堂增修帥同寮與邑之士夫上巳重陽行三獻之禮里士畢集祀罷飲福于普濟寺至今不替尚書樓鑰記之

張孝子祠孝子諱無擇唐人事父至孝父死葬

縣之金川鄉虎胛山廬于墓側朝夕哀慕七日絕漿三年不擲感芝草醴泉之瑞其後仕至中散大夫終和州刺史白樂天志其墓皇朝嘉定十四年邑人請于縣立祠宇於純德董君廟側春秋配享著作郎張處記靈感廟在縣西北七十里地名向頭山

皇朝建炎四年 勅封靈應侯

東西五聖廟一在縣東南一里一在縣西南一里

東嶽行宮在清道觀之西去邑三里

驃騎將軍廟在縣東南二十五里會稽典錄云
漢世祖時張意為驃騎將軍後隱於山遂立
廟以祀之

祠山張王行祠在永明寺 開禧初縣尉施子
升始建殿宇 寶慶二年令周符尉莊鐫募
衆增廣從屋水旱疾疫邑人必禱焉

宮觀

清道觀縣東南三里唐天寶八年建後廢

皇朝紹興三十年道士葉景虛重建又於其
右建東嶽行宮尚書樓鑰扁其入觀之路曰

列僊游館

大隱山至道宮縣西南四十里下有龍潭唐天寶二年遣使投金龍禱雨泛出黑漆木板有金書大寶永昌四字雨隨應乃賜潭名永昌建觀潭上名大寶

詳見
叙水地卑濕

皇朝大中祥符間一夕疾風大雨拔木發屋觀屋忽運於溪南高爽處人號神運殿治平二年賜今額世傳爲葛仙翁謝康樂修煉之所宮側有藥臼石臺皆仙迹也寶慶元年道士董成真具其事聞于朝有

旨命祠官典領且給降楮券三清殿聖寶閣
鐘樓方丈厨庫廊廡皆一新之仍創亭三間
少卿汪立中扁以環碧其大隱山則樓宣獻
公舊扁也府仍給據與免和役非泛科敷

崇壽宮縣西北五十里屬鳴鶴鄉定海縣東海
王廟守香火道士嘗請崇壽爲其觀額此宮
遂改天寧觀又改天寧萬壽觀後有 旨東
海王廟觀改爲淵德觀 紹興元年道士王
太素陳乞于 朝復舊額

寺院

禪院六

香山智度寺縣東三十五里山舊名達蓬以其
自此可達蓬萊真應大師惟實道場也惟實
姓湯生於唐開元十二年從善慧禪師出家
學道復從宗本禪師受微旨天寶十四年振
錫至縣之若嶼山夜夢神人告曰達蓬名山
可居翌日得其處石壁間隱然有佛跡遂結
庵焉寶應元年海寇袁晁散掠浙東數百人
突庵暴侮實據石暝坐賊舁巨石塞其洞口
實暗鳴作聲以一掌舉之賊驚顧辟易實諭

以善信各禮謝而去廣德二年實乃即山麓
開基建寺大歷八年刺史裴倣奏聖跡在石
巖谷流香乞以香山爲寺額詔從之貞元二
年十二月實趺坐而逝葬寺之巽隅咸通十
四年有途人負漆器五百入寺曰湯和尚於
浙西丐緣先遣至此和尚濯足溪邊隨至矣
衆趨出迎惟見草逕濡迹直抵墳塔遺履在
傍發塔視之髭髮秀長神色如生奉以歸寺
乾寧三年有睦州陳氏至曰幼子父櫻沉疾
值湯僧得更生約十六年還解于此升堂見

僧像愕然自是水旱疾疫無嗣續者爭來禱
晉天福七年吳越王賜號常寂大師錢億爲
州牧迎致府廷以針刺其膚飛血如線億大
悔謝欲致城中之興國寺舉者莫前遂遣還
山後有尼爲削髭髮未釋刀似有壞相始加
漆飾彩繪

皇朝天聖元年賜寺額 元豐三年守王誨
以禱雨有驗聞于

朝更常寂之號曰眞應常住田一千二百三
十二畝山二千一百畝

蘆山普光院縣西南二十五里唐乾元元年置

皇朝治平二年賜額大觀間中書侍郎劉

達記本院輪藏云清泰開基元豐革律綿

歷紹聖三世禪居其山堆青擁翠秀拔鶴

洲島渚之上物情萬狀皆出其中此亦一方

佳景也謂之清泰開基則在唐必廢而復興

矣石湖范居士集有送舉老歸蘆山偈云二

千里往回似夢四十年今昔如浮去矣莫來父留桑下歸常住田五百一十畝山六百

三十九畝

定水寺縣西北五十里近鳴鶴山唐乾元二年

建名清泉世以為虞世南故宅

皇朝改今額 紹興七年更為禪刹寺有泉

甘寒宜煎茗暑月汲之久停不腐有大藏經

殿唐京兆韓曄材記常住田九百七十畝山

六百三十九畝廬陵僧德辨嘗住寺以炆木犀香送誠齋楊文節公公遺

之五詩一云春得薌江信香從定水來今年有奇事正月木犀開二云萬杵黃金屑九炆

碧梧骨詩老坐雪窻天香來月窟三云山童不解事着火太醺烈要輸不盡香急喚薄銀

葉四云傳語雙峰老汝師是如來如何一辨香却為楊誠齋五云誰言定水禪入定似枯

木龍入廣寒官收得香萬斛

五磊普濟院縣西北三十里舊名靈山禪院唐

文德中令顏禪師建

皇朝大中祥符初改賜今額知吉州太和縣
林肇記常住田二百六十四畝山七百四十
畝

石門山饒益院縣西南六十里唐景福二年置
曰石門舊以石門山得名

皇朝治平元年改賜今額常住田八十七畝
山二千六百畝

鳳巖寺縣西四十里金川鄉唐開成元年建

皇朝隆興初主僧宗曉刺血書大般若經六

百卷翰林學士馮楫題跋常住田三十畝山
五畝

教院十一

定香院縣西六十里晉天福八年置名太平

皇朝治平二年八月改賜今額常住田八十
七畝山一百三十四畝

寶嚴院永明寺之北

皇朝景祐中建號天台教院鄞宰盧允寧記
嘉定十年主僧如理陳于朝賜今額常住
田一百三十五畝山無

赭山清果院縣西南十里周顯德六年置名赭山

皇朝治平二年改賜今額常住田二百二十五畝山四十二畝

雲湖慶安院縣西北一十五里周顯德四年置名保安

皇朝治平元年改賜今額常住田三百畝山二百二十七畝院本以湖得名今湖廢矣院之前有古松夾道綿亘數里望之如雲其最巨而奇蜿蜒如龍飛偃如蓋臨池上院之

後有流泉潺湲出於深山窮谷中僧用巨竹
連筒引行數里入香積厨以供用其流匯于
松下石池溢而出于谿龍圖閣學士舒亶有
詩曰門前屏障繞潺湲付與林僧夜定還松
蓋作雲連十里竹龍行雨出千山白公香火
蓮開後謝氏池塘草碧間我亦鳳凰臺上客
圖開却笑未能閑其後邑長沈時升有造舟
之役睥睨茲松將斤斧焉里士文學馮輓作
詩曰寒松一榦老蒼蒼古寺門前歲月長匠
伯偶圖舟楫利禪羽方患斧斤傷得全此日

同齊櫟勿翦他年比召棠可但與公期久遠
相將俱列大夫行且述舒公詩以遺沈松賴
以不伐僧遂併二詩刊于石

五峯山廣福院縣西北三十里舊名五峯院唐
元和元年置

皇朝大中祥符元年改賜今額常住田七十
畝山七百四十一畝

禪于山吉祥院縣西南四十里晉天福八年置
曰禪于院

皇朝治平二年八月改賜今額常住田二十

三畝山一百四十畝

雲溪廣福院縣西南三十里唐光化元年置名壽聖隱士楊適嘗記之 紹興三十二年改

賜今額常住田六十畝山三十三畝

補陀院縣東北十里唐大中六年置名大中觀音院

皇朝治平二年八月改賜今額常住田四十畝山二百六畝

普濟院縣東北一里本普濟律院之子院也

皇朝嘉祐中建僧宗正記今爲十方教院常

住田五十畝山無

白巖院縣西南六十里

皇朝乾隆四年置 天聖中賜今額常住田

一十四畝山無

妙應院縣東德門鄉

皇朝治平四年置有觀音殿 建炎兵亂獨

免于火 紹熙四年僧悟諱增屋三十楹右

宣教郎主管台州崇道觀朱習記本甲乙住

持 嘉定中改爲十方教院久浸圯 寶慶

三年僧文會重修宣教郎新特改差知婺州

浦江縣李知退記院常住田一百六十七畝
山無

十方律院六

三峯山廣福院縣西南七十里唐會昌元年置
曰三峯院

皇朝熙寧元年改爲壽聖 紹興三十二年
改賜今額常住田二百二十六畝山五千三
百七十畝院有智交律師塔黃州教授曹粹
中銘

華嚴院普濟寺之西南隅

三頁八
卷之二
十九
皇朝端拱二年建吏部郎中陳時舉記 宣
和初改爲十方禪院 紹興二十年本州保
奏賜今額復爲律院常住田一百二十畝山
無

佛跡寶嚴院縣東北四十里唐天寶元年置曰
佛跡院以山有佛跡而得名

皇朝治平元年十一月改賜今額常住田一
百一十畝山八百四十畝

資國廣福院縣西南六十里唐咸通五年建名
資國院

皇朝熙寧元年十二月改名壽聖 紹興三十
二年改賜今額常住田四十畝山二十五
畝院有藏殿頤庵居士劉應時記後寺僧元
實興建佛殿三門僧堂慈川逸民劉叔溫記
吉祥廣福院縣東一十里唐文德二年置名吉
祥

皇朝治平二年八月改賜今額常住田二十
三畝山一百八十一畝

靈龜山福源院縣西六十里舊名永安唐廣明
元年建

皇朝寶元二年改賜今額景祐二年縣尉宋
續記院之東南有基法師骨舍利石塔內翰
楊億嘗爲真贊中丞舒亶游此寺有詩云一
橋雲借路雙沼月分秋後更禪刹今改爲律
院常住田二百一十七畝山二百五十畝

甲乙律院十六

永明寺縣西二里唐儀鳳二年邑大夫呂珂捨
宅爲之元號禪林院高宗賜名大寶院天寶
中改爲大寶寺會昌中廢毀

皇朝大中祥符元年改賜今額常住田二百

四十畝山無唐李華撰左谿碑銘云明州大寶寺僧道源純得醍醐飽左谿之道味道源乃此寺名僧也寺有亭曰四香縣令盛次仲

爲賦四絕

一云樓樓紅塵爲底忙僧家白日自舒長朱簾著地寂無事百刻青

春一炷香二云四回老綠夏陰涼一枕南風睡思長夢裏不知身是蝶等閒飛入白蓮香

三云霜晴恰見湖山好境靜方知日月長陶令醉多難入社時來採菊飲秋香四云越雪

看山坐小床白雲影裏玉虹長不知砌下梅花發只怪開簾有暗香

普濟寺縣東北一里本吳太子太傅都鄉侯闕

澤書堂後捨爲寺歷代毀廢唐大中二年縣

令李楚臣復立爲德潤院以澤字德潤故取

名之乾符中勅賜應天德潤寺僧文義大師
清晏銘于石

皇朝大中祥符元年改賜今額常住田二百
五十一畝山無寺有僧遂端誦法華經晝夜
不輟唐咸通十二年趺坐而逝口出青蓮華
七莖既窆二十餘年塚間屢有光發衆開視
之形質如生即迎真身歸院加以漆飾裝嚴
而奉之左街僧錄贊寧爲之傳

寺之東岡有松如龍石如

虎

皇朝元豐中令盛大仲有詩云一松偃蹇蒼龍盤一石巉巖怒虎踞浸來題作龍虎

軒只恐風雲卷料去因以龍虎名軒松奇怪秀特免忽怙粹先是邑士登第者不絕後二

十舉寂無人此松既枯登第者復相踵丙辰
尤盛或以秀氣爲松所奪今復還焉軒之北
有亭曰鄰月元豐八年令崔熙建今廢寺
之前德潤湖之心有亭舊名清音天聖九
年餘姚縣令孫籍記大觀
二年令唐昌期改名涵碧

覺林院縣西六十里唐景福二年置名保德

皇朝治平二年改賜今額鎮東軍節度推官

項晞記常住田三十四畝山一百二十三畝

金繩院縣西四十里唐天祐中慧孜法通二僧

以古華嚴址剏之後唐清泰二年錢氏名以

護國

皇朝大中祥符中改賜今額觀察推官關杞

記院有韶國師所得隋文帝感應舍利一顆
主僧德昇建輒浮圖于院前以奉藏之常住
田一百五十三畝山一千七畝

金僊院縣西北七十里唐乾元二年置名福林
皇朝治平二年八月改賜今額有藏殿蜀僧
寶曇記常住田一十六畝山一百六十四畝
度門院縣西六十里唐廣明元年置曰西峯以
西峯山得名

皇朝治平二年八月改賜今額常住田無山
一百八十畝

證心院縣西五十里晉天福七年置名新慶

皇朝治平二年改賜今額遼西項傳記常住
田一百六十四畝山三百八十八畝

甘露院縣西南六十里唐開元二十八年置曰
上福龍山以山名名之

皇朝治平二年八月改賜今額沙門遵式銘
于石常住田一百三十四畝山一百九十四
畝

定慧院縣西南六十里晉開運二年置名支山
皇朝治平元年改賜今額常住田二十五畝

山一百八十畝

法蓮院縣東南一十五里舊名蓮花唐寶正二年置

皇朝治平元年改賜今額常住田六十畝山五十畝

白龍慈化院縣東南十里五代漢乾祐中僧師
誓結宇于此日誦法華經嘗有白龍矯首室
外

皇朝建隆二年置院因號白龍 治平元年
改賜今額常住田四十畝山無

精進院縣東三十里舊名靈山保國唐廣明元年置

皇朝治平元年改賜今額

定林院縣東二十五里舊名峯山院晉天福二年惟實禪師開基

皇朝天聖五年賜今額貢士邵賓賜記常住田八十二畝山一百畝

妙峯院縣之石臺鄉

皇朝建中靖國年中置常住田五十畝山一百四十畝

廣濟院常住無

寶慶院縣之青村渡舊曰青村庵 嘉定十五年賜今額越二年改元適與寺額合

廢院一

太平院縣西太平村唐天復二年置僧居遂記

尼院一

永壽尼院縣北二十里 嘉定初移賜今額

叙遺

存古

古句章縣在今縣南十五里面江爲邑城基尚

存故老相傳曰城山旁有城山渡西去二十
五里有句餘山又有句餘村郭璞謂句餘山
在餘姚北句章南二縣因以爲名其實山在
餘姚東句章西舊經載古句章城在鄞縣南
六十里今鄞縣西南有句章鄉然按漢書地
理志句章渠水東入海則所謂城山渡即其
渠也晉劉裕東討孫恩實戍句章每戰陷陣
賊乃退還浹口今定海縣大是時孫恩泛海
出沒禦之當據要衝而今句章鄉乃在山間
必非戍守之地鄉名句章特以其地素隸句

小浹口也

章縣故爾句舊讀爲勾今讀爲章句之句

太平村在縣西六十里屆紹興府餘姚縣一百
里按唐歐陽詢藝文類聚山部載太平山云
孔臯會稽記曰餘姚縣南百里有太平山山
形似繖四角各生一種木木不雜姚江源出
太平山東至浹江入海齊孔稚珪遊太平山
詩曰石險天貌分林交日容闕陰澗落春榮
寒巖留夏雪晉孫綽太平山銘曰嵬我太平
峻踰華霍秀嶺樊縕奇峰挺嶢上千翠霞下
籠丹壑有士具遊默往寄託肅形枯林映心

幽漠亦既見止渙焉融滯懸棟翠微飛宇雲
際重巒蹇產回溪縈帶被以青松灑以素瀨
流風佇芳翔雲停靄因其地有太平山故以
名村焉

千人壇在縣西南十五里高數仞其上可容千
人耆老相傳云昔秦始皇東遊會稽登山望
秩以求神仙至此見羣峯連延東入于海乃
命方士徐福立壇祈禱因以爲名

後漢鄞縣令王脩墓在縣西十里事跡見郡志

叙人

晉虞瑤墓五馬山縣西南六十里虞氏譜云瑤博學強識當時所稱累遷至伏波將軍

晉虞胄墓在橫山縣東南十里虞氏譜云胄好學不怠仕至散騎常侍嘗居此山死因葬焉至今人呼為常侍墓

宋朱夔墓在朱墓山縣西六十里宋書云朱夔字秀整吳人也州舉秀才歷中書郎轉台州刺史有林壑之志卜居此山死因葬焉

梁虞荔墓在鳴鶴山縣西北六十里梁書云荔會稽上虞人也以博識聞舉宏詞累遷中庶

子卒于官歸葬此山

梁虞攸墓在東澄山縣西南三十五里攸舉秀才累遷至散騎常侍著內典要三十卷

梁建威將軍虞騫墓在漁溪山縣西北五十里
梁東海太守虞野人墓在成溪山縣西南三十
五里

隋金紫光祿大夫陳詠墓在城門山縣西南十
三里隋書云詠字休寧仕爲懷安令遷城門
校尉會稽從事屬隋初多故因留葬此遂以
名山

唐張孝子父司馬墓在虎胛山縣西三十
跡見郡志叙人

舊志載晉虞喜墓在亶洲山縣東北四十
五里今縣無此山詳見輿志叙山

定海縣境圖





定海縣治圖

